



Pele Broberg
Inatsisartunut ilaasortaq, Naleraq

**Kalaallit oqaasii pisortatigoortumillu piumasaqaatit pillugit § 37 tunngavigalugu
apeqqummut nr. 2025/118-imut akissut**

06-08-2025
Suliap normua: 2025 - 9824
All. nr. 25587756

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Pele Broberg,

Inatsisartut suleriaasiat naapertorlugu apeqqutinnut qujanaq. Apeqqutigineqartut
tullinnguuttuni akissuteqarfigissavakka.

- 1. Meeqqat atuarfii naligalugit misilitsissutit sorliit ukiorluunniit sorleq
naammassisimagaanni angusiffigisimagaanniluunniit, nalilersueriaatsit
atuuttut naapertorlugit qaqugukkut pisortatigoortumik kalaallisut
naliginnaasumik oqalussinnaasutut allassinnaasutullu nalilerneqartarpat?**

Akissut: Kalaallit Nunaanni meeqqat atuarfianni danskit soraarummeernermi
aaqqissuussaanutulli inaarutaasumik naliliinermi "angusineq" imaluunniit
"angusinnginneq" atorneqarneq ajorput. Meeqqat atuarfianni inaarutaasumik naliliinermi
atuuttut atuartsissutini ataasiakkaanni, tamatumani kalaallisut atuartsinermi
ilanngullugu, ilikkagassatut anguniakkat qanoq annertutigisumik angunerai pingaarnertut
uppersarneqarniartarpoq, takuuk Meeqqat atuarfianni inaarutaasumik naliliineq
pillugu Namminersornerullutik Oqartussat nalunaarutaanni nr. 3-mi, 9. januar 2009-
meersumi § 1.

10. klassemi naliliineq ima imaqqarpoq:

- Uppernarsaasiineq aamma atuuttut angusaanut karakteriliineq, tassani
atuuttut piginnaasai pinngitsoorani anguniagassanut sanilliullugit
nalilerneqartarlutik, (takuuk § 3, imm. 1-3).
- Allattariarsornikkut oqaluttariarsornikkullu pinngitsoorani misilitsinnerit, ilaatigut
kalaallisut ilanngullugu (takukkit §§ 7-9).
- Suliniummik suliaqarneq, inaarutaasumik naliliinermi ilanngunneqartussaq.
- Atuuttut nammineq naliliinera, soraarummeernermut allagartamut
kakkiunneqartussaq.

Greenlandic Grading System (GGS) atorneqartarpoq, tassani A-mit (pitsaalluinnartumik
naammassisaqartumut) F-imut (pitsaanngitsumik naammassisaqartumut)
naliliisoqarsinnaalluni. Pisortatigoortumilli killeqanngilaq, tassa taanna angugaanni
ingerlaannaq atuartsissutimi piginnaasaqalersutut aamma kalaallisut pisortatigoortumik
oqaluttariarsornikkut allattariarsornikkullu piginnaasaqalersutut nalilerneqarluni.

Nalileeriaaseq ataatsimut isiginnittoq atornegartarpoq, tassanilu tunngavigineqartarluni:

- Atuartup angusaanut karakteriliineq misilitsitsinernilu angusai.
- Ilinniartitsinermi ataavartumik naliliinerit.
- Namminersorlutik Oqartussat nalunaarutaanni nr. 38, 27. juli 2023-meersumi aalajangersakkat naapertorlugit ilikkagassatut anguniakkanik angusaqarsimanermik uppersiineq.

2. Qaagukkut inuk kalaallisut oqalussinnaasutut allassinnaasutullu pisortatigoortumik nalilernerqarsinnaalerneranumut allanik nalilersueriaaseqarpa? Akinermi nalilersueriaatsit aalajangersimasut taakkartorneqarnissaat piumasarineqarpoq.

Akissut: Apeqqutip 2-p akinissaanut ilinniartitaanermut Aqutsisoqarfik Oqaasileriffimmit akissutissanik pissarsiniartoqarpoq, taannalu ima akissuteqarluni:

"Nalinginnaasumik kalaallisut oqalussinnaasutut allassinnaasutullu nalilersuinissamut pisortatigoortumik piumasaqaateqanngilaq, nalunngilarpulli assersuutigalugu atorfinitsitsinermi, ilinniartitsinermut atatillugu imaluunniit ilinniartitaanissamut akuersissuteqartitsinermi kalaallisut piginnaasatigut nalilernerqarnissaq pisariaqarsinnaasartoq aammalu oqaatsitigut piginnaasanik misilitsitsineq imaluunniit oqaatsitigut piginnaasanik naliliinissamik pisariaqartitsisoqarsinnaasartoq aammalu inuiaqatigiinni atornegartartut.

Ilinniartitaanissamut akuersinermi allattariarsorluni suliaqatigiinnik imaluunniit nutserqequsinnik oqaatsitigut piginnaasanik naliliineq pisariaqarsinnaavoq aammalu atorfinitsitsinermi oqaatsitigut piginnaasat qaffasissusersiniarlugit oqaatsinik immikkut ilisimasalinnik oqaloqateqarneq imaluunniit kalaallisut ilinniartitaanermik atorfinniluunniit misilittakkanik uppersiineq pisariaqarsinnaasarluni.

Naak kalaallisut oqaatsitigut piginnaasat qaffasissusaanut naliliinissamut pisortatigoortumik nalileeriaaseqanngikkaluarluni CEFR (Europami oqaatsinut ataatsimut toqqammavigisaq / The Common European Framework of Reference for Languages) atornegarsinnaavoq, taannami oqaatsinut sunulluunniit atuuppoq, nunanilu tamalaani oqaatsitigut piginnaasanik uuttuutitut atornegartarluni.

CEFR inuup tunngaviummik oqaatsitigut piginnaasaanik naliliinissamut toqqammaviuvoq, toqqammaviit tassaallutik tusarnaarluni atuarlunilu paasinnissinnaaneq, oqaloqatigiinneq aammalu allattariarsornikkut oqaatsillu atorlugit saqqummiussisinnaaneq.

Piginnaasat nalilernerqarneranni utoqqaassuseq, oqaatsit atorlugit ersersitsisinnaassuseq naliliinermilu siunertaq naapertorlugit pingaartinneqartut nikerarsinnaasarpur. Immikkut naliliiffigineqartartut tassaapput oqaatsit atorsinnaasut amerlassusii, oqaaseqatigiillorneq, oqaatsinik taaguineq, attaveqatigiinnikkut piginnaasat kiisalu oqaasilerinermi allattariarsornikkullu piginnaasat.

CEFR piginnaasat aallaavigalugit arfinilinnik immikkoortoqarpoq: aallarterlaattut (A1-A2), akunnattumik (B1-B2) kiisalu qaffasissumik piginnaasalik (C1-C2) (<https://rm.coe.int/CoERMPublicCommonSearchServices/DisplayDCTMContent?documentId=090000168045bb6e>).

CEFR atuartut/ilinniartut oqaatsitigut piginnaasaannik qaffasissusersiniarluni, oqaatsitigut siuarsaaniarluni imaluunniit ilinniartitsinermut nalimmassaaniarluni oqaatsitigut ilinniartitsisunik toqqaannaq atorneqarsinnaavoq, pisortatigoornerusunulli assersuutigalugu kalaallisut piginnaasat qaffasissusaanut uppersaasnermut atorneqassappat kalaallit oqaasiinut qanorlu atorneqarnissaanut nalimmassaasoqartariaqassaaq.”.

Naalakkersuisut ammaffigivaat aaqqissuussaanagerusumik akuerisaasumillu kalaallisut oqaatsitigut piginnaasanik nalilersuutinik ineriartortitsinissaaq.

Inussiarnersumik inuulluaqqusillunga


Nivi Olsen